

BOLETIN INFORMATIVO TOKANTE PROSEDIMENTU PA PÈRMIT

Ordenansa maneho di naturalesa

Introdukshon

E boletin informativo aki ta trata e prosedimentu pa pidi pèrmit i eksonerashon a base di e Ordenansa pa maneho di naturalesa Bonaire. Esaki ta konta pa siudadano, kompania i organisashonnan sosial ku ke sa mas di e prosedimentu. Den e boletin informativo aki ta trata solamente e pèrmitnan mas importante. Informashonnan tokante pèrmit pa kap un palu òf kadushi ta pará den e boletin 'Boletin informativo tokante palunan protehá'.

Pedida di pèrmit

Pedida pa un pèrmit òf eksonerashon mester ta dirigí Kolegio ehekutivo (Bestuurscollege), Plasa Reina Wilhelmina 1, Bonaire. Ta konsehabel pa na mes momentu ku hasi e pedida manda un kopia na Sekshon Medio Ambiente i Maneho di Naturalesa di servisio Dienst Ruimtelijke Ontwikkeling en Beheer (DROB) na Kaya Amsterdam 23, Bonaire.

Pa un pedida pa un permit mester paga un suma pa 'leges'.

No ta trata pedidan pa pèrmit ku no ta kompletu. Sekshon Medio Ambiente i Maneho di Naturalesa di servisio tin formularionan pa hasi petishon pa pèrmit i por duna informashon tokante prosedimentu (tel: 717-8130).

Prosedimentu pèrmit pa maneho di naturalesa.

E prosedimentu pa haña òf un eksonerashon a base di e Ordenansa maneho di Bonaire den liña grandi ta bai lo siguiente:

- entregá un petishon na kolegio ehekutivo (Bestuurscollege);
- kolegio ehekutivo ta pone e petishon durante 14 dia na disposishon di públiko pa wak e petishon;
- den korantnan lokal lo avisá e momentu ku por kuminsá wak e petishon;
- interesadonan por dirigí por eskrito nan opheshonnan na kolegio ehekutivo (Bestuurscollege) durante e periodo durante kua por wak e petishon;
- kolegio ehekutivo (Bestuurscollege) ta tende Komishon di Maneho di naturalesa Bonaire i dentro di 90 dia di a risibí e petishon ta tuma un petishon;
- Si ta nesesario kolegio ehekutivo (Bestuurscollege) por alargá e period solamente un biaha ku 30 dia;
- Interesadonan ku a manda nan opheshon ta risibí por eskrito informashon tokante e desishon;
- Den sierto kaso ta publiká e desishon den algun korant.

Komishon Maneho di naturalesa Bonaire

E Komishon Maneho di naturalesa Bonaire ta un órgano di konseho legalmente instituí pa kolegio ehekutivo (Bestuurscollege). E komishon ta konsehá riba petishon òf riba inisiativa propio tokante maneho di naturalesa na Bonaire. E komishon ta duna tambe konseho tokante e pèrmit òf eksonerashon a base di Ordenansa maneho di naturalesa Bonaire.

E komishon ta reuní un bes pa luna i ta trata tur petishon ku dreña. Sekretariado di e komishon ta na enkargo di Sekshon Medio Ambiente i Maneho di Naturalesa di DROB (DROB/MNB).

Tokante e trabou di e komishon tin un boletin informativo disponibel.

Kompanianan di deporte nótiko

Bonaire ta mundialmente konosí pa su refnan di koral. E refnan aki ta hopi vulnerabel, p'esei a proklamá henter e laman rondó di nos isla komo un parke natural. Laman i refnan di koral tin un poder pa atraé personanan ku ke rekrea pero tin na mes momento tin su limitashonnan.

Pa regla e preshon riba usa di e ref, kompanianan ku ta hasi usa di parke marítimo mester tin un pèrmit a base di e Ordenansa maneho di naturalesa Bonaire. E pèrmit aki ta nesesario banda di e pèrmit di establesementu. Pa kompanianan di buseo esaki ta eksistí pa anos. Pa e kompanianan di buseo tin tambe maneho di reserva ora di duna pèrmitnan di establesementu nobo. Esaki ta solamente posibel den kasonan limitá.

Pa otro kompania ku ta ofresé servisio òf fasilidat kaminda ta hasi uso e parke marítimo, e obligashon pa un pèrmit a base di Ordenansa maneho di naturalesa Bonaire, esaki ta un regla nobo. Por ehèmpel kompanianan ku ta hür material pa e deporte di buseo òf ta duna lès den e deporte menshoná. Tin eksepsjon pa duna lès di landamentu.

Mester tin un pèrmit tambe pa transportá òf guia personanan den e parke marítimo. Esnan ku tin un pèrmit di establesementu ta paga anual na maneho di e parke marítimo. Den 'Boletin informativo tokante pago pa uso di parkenan natural' tin mas informashon.

Konstrukshon

E laman rondó di Bonaire te na un profundidat di 60 meter ta un parke natural: Bonaire Parke Nashonal Marítimo. Esaki ta un situashon úniko ku nos mester tene na un manera kuidadoso debidamente kuenta kuné.

Pa konstrukshon di waf, trapi, plataforma, wafnan, protekshon di kosta òf otro konstrukshon na rant of riba e parke marítimo tin eksigensia. Den e pèrmitnan eksigensianan ta stipulá. Na hopi okashon mester ta disponé di dos pèrmit:

- Pèrmit maneho di naturalesa a base di Ordenansa maneho di naturalesa Bonaire (A.B. 2008, no 23);
- Pèrmit pa konstrukshon a base di Ordenansa pa konstrukshon (A.B. 1961 no 17).

Por traha wafnan solamente entre

Punt'i Waya (porta di Hato) i Punt Vierkant.

No ta permití konstruí wafnan privá den parke supmarino.

Pa hasi mantenshon grandi na wafnan mester di un pèrmit a base di e Ordenansa maneho di naturalesa Bonaire.

Pa hasi konstrukshon den e parke supmarino na Sekshon Milieu- en Natuurbeleid (DROB/MNB) tin formulario apart pa hasi e petishon. Pa hasi uso di un konstrukshon pa kua tin pèrmit mester paga un suma anual. Wak e 'Boletin informativo tokante pago pa uso di parkenan natural'.

Konstrukshon di bui

Por pone buinan pa mara boto solamente entre Barkadera i Punt Vierkant. Mester tin un pèrmit di kolegio ehekutivo (BC) pa pone bui den parke supmarino. Esun ku pidi pa tin un bui privá mester ta inskribí den registro sivil di Bonaire. Un kompania ku ke pone un bui mester tin un pèrmit i ta inskribí na Kámara di Komersio. E boto ku ta hasi uso di e bui mester ta registrá (number NB) na ofisina di haf i ta propiedat di esun ku a pida pèrmit .

E boto no por ta mas largu ku 18 meter. Botonan mas largu mester mara den marina. Piskadónan di profeshon ta eksonerá pa paga leges i hasi gastu pa pone bui si nan boto ta ménos ku 7 meter largu i e motor di boto no tin mas forsa ku 25 forsa di kabai.

Por pone òf laga pone un bui solamente bou di guia di personal di Parke Supmarino Nashonal. Pa hasi petishon pa un pèrmit pa pone bui tin na Sekshon Milieu- en Natuurbeleid (DROB/MNB) formulario apart pa hasi e petishon.

Pa uso di un bui mester paga anual un suma di \$280,- pa uso di e parke supmarino.

Konstrukshon di un bich

Bonaire ta rondoná pa ref di koral. Refnan di koral ta pertenesé na e mundu ekológiko mas vulnerabel na mundu. Por akclará presensia di refnan di koral dilanti di kosta pa motibu ku no tin bich. Refnan no por ku santu. Si nan haña hopi santu riba nan nan ta stek. Influensia largu di tiki santu ta pone ku nan ta ekstinguí.

Pa konstruí un bich òf yena un bich eksistente mester tin un pèrmit di kolegio ehekutivo (BC) Ta otorgá un pèrmit solamente si:

- ta pa konstrukshon di un hotèl ku mas di 100 kamber;
- den besindario serkano no tin un bich;
- e bich tin aksesibilidat liber;
- e bich na tres banda ta protehá pa un muraya;
- pa konstruí e bich ta usa santu di laman.

Pa uso di un bich konstruí òf yená mester paga un suma anual. Wak e 'Boletin informativo tokante pago pa uso di parkenan natural'.

Investigashon

Esnan ku ke hasi investigashon na Bonaire den naturalesa riba tera òf den laman, kaminda por hasi daño nan matanan protehá, mester pidi un pèrmit na kolegio ehekutivo (BC). Pa investigashon kaminda kapturá òf molestiá un espesie protehá ta konta e mesun regla. E prosedimentu pa petishon pa hasi un investigashon ta mas kòrtiku pasobra e parti kaminda ku pueblo

tin posibilidat pa wak i duna aplikabel.
komentario riba e petishon no ta

NOS NATURALES TA NOS TESORO!

E boletin informativo aki ta kontené un reprodukshon kòrtiku i liber di e disposishonnan legal. Den kaso di un konflikto bo no por basa bo mes riba e publikashon aki. Den un kaso asina konsultá semper e leinan i e areglonan.



Kolofon:

Boletin informativo Medio Ambiente i Naturalesa nr. 1210 03 P
desèmber 2010

Identidat Públiko Bonaire
Dienst Ruimtelijke Ontwikkeling en Beheer
Sekshon Medio Ambiente i Maneho di Naturalesa
Kaya Amsterdam 23
Kralendijk
Tel: 717 - 8130
Faks: 717 - 6980

www.bonairegov.an